

جَزَائِرِ عَمَّاكِر

جمعه ایرتسی

نومرو	محرم الحرام	سنه	مایس	سنه	صحیفه
۹۸۱	۲۱	۱۳۱۶	۳۰	۱۳۱۴	۱۴۰۱۳

(اشبو غزته بهر هفته جمعه ایرتسی کونلری چیقار . سنه لکی درسعادت ایچون مجیدیه یکریمی فروش)
 (حسابیله التمش غروشدیر . طشره لر ایچون اون بش فروش پوسته اجرتی ضم اولنور . بهر)
 (نسخہ سی ینہ مجیدیه یکریمی فروش اولوق اوزره یوزیاره یه هریرده صاتیلور . درج اولنه جق)
 (اعلاناتک هر برندن بر مجیدیه اخذ اولنور . سنه لکنه مشتری اولوق استیانلر عدلیه نظارتی)
 (دایرہ سندہ کائن جریده محاکم اداره سنه مراجعت ایلیلدر)

قسمت سہمی

(فی ۴ محرم سنہ ۳۱۶ و فی ۱۳ مایس)
 (سنہ ۳۱۴ تاریخیلہ بالجملہ ولایات استیناف)
 (محکمہ سی مدعی عمومیلرینہ ومدعی عمومی)
 (بولنیمان محللر مدعی عمومی معاونلرینہ یازیلان)
 (تحریرات عمومیہ صورتیدر)

ویا محکوماً تحت توقیفہ الديريلان افراد عسا کر
 شاهانہ دن بعضلری طول مدت حبس خانہ ده یاندقدن
 صکره یا محاکم مذکورہ جه طوغریدن طوغری یه
 ویاخود محکومیتلرینی متضمن اعلاناتک محکمہ
 تمیزجه نقضندن صکره برائتیرینہ حکم اولنورق
 تخلیه قلمقده ایسه لرده مظنون و محکوم اولنلر
 حقدنہ کی محاکمه و حکم کسب قطعیات ایدنجہ یه قدر
 افراد مرقومه مدت مدیده عسکری حبس خانہ لرده
 موقوف قالدقلری ایچون بعض مرتبه تظلم و شکایات
 وقوعبولمقده اولغلہ برابر فی الحقیقه بعضیلرینک

جرائم متنوعه ایله محاکم نظامیه جه مظلوناً

بویوزدن مغدوریتلرینی ومع مافیه بونلردن جنایتله
 متهم اولوب سلك عسكريدن قیدلرینك ترقینی ایله
 جهت ملکیه تسلیمی ایجاب ایدلره برخیلی وقت
 محصصات اعطاسیله تخصیصات عسکریه اوزرندهده
 ازجوق اجرای تأثیرات ایلدیکی وبرعسکر نفری
 برجرمدن طولای مع التشهیر اوج سنه کورک
 جزاسیله برمحکمهجه محکوم ایدلکدن صکره انک
 تشهیر معامله سنک ایفاسی واکال مدتد نصکره
 تخلیسی اولیاده کی اعلامک محکمه تمیزدن
 تصدیقه وابسته اولوب حالبوکه بعضی اعلامات
 اوکی افرادک مدت محکومیتلرینی اکل ایتدکدن
 برخیلی زمان صکره نقض وتصدیق اولمقدده
 اولمسیله تاریخ تصدیق ونقضنه دکن مدت محکو-
 میتندن فضله موقوف طوتیلان افرادک بوموقوفیت
 زاندهلری موافق معدلت اولهمیه جفته مبنی مغایر
 مرضی عالی اولان بوحاله چاره ساز اولمق اوزره
 افراد عسکریه محاکمه لرینک محاکم نظامیهجه
 برمدت قلیله ظرفنده رؤیت واکالی و محکمه
 تمیزجه اولان معاملات تدقیقه نک دخی طول
 مدت تأخراته دوشورلامه بی امرنده دوائر
 عدلیه نک نظردقتی جلب ودعوتله برابر جنود
 جناب ملوکانه نک غدردن وقایه سی وسائلنک
 استکمالی خصوصنک محاکمات دائره سندن افاده

قلندی طرف والای سرعسکریدن وارد اولان
 ۳ ایل سنه ۳۱۳ تاریخی تذکرده اشعار
 اولمش و افراد عساکر شاهانه به متعلق معاملات
 ومحاکمات بر آن اول نتیجه قانونیه به ربطی لزومی
 بدیدار اوله رق کیفیت بالدفعات صورت همومیه
 وخصوصیهده اخطار قلنش اولدیغندن بعدما
 بوکی دعاوینک تسریع فصل ورؤیتی و محکمه
 تمیزه کوندلش اولان اوراق حکمیه نک تدقیقات
 تمیزیهلری کال سرعتله اجرا ایتدیرلک اوزره
 تاریخ ارساللرینک نظارته ازار اولنسی بالجمله
 استیناف محاکمی مدعی عمومیلکرینه تبلیغ
 اولندینی کی اشبو تحریراتک نسخ مطبوعه
 کافیه سی دخی لفأ ارسال قلنش اولمغه اولوجهله
 ایفای معامله به متوالیاً دقت واعتنا اولنسی سیاقده
 شقه ترقیم قلندی .

قسم غیر رسمی

معموره العزیز ولایتنه تابع چشکرک قضا سنک
 منصاوت قریه سی اهالی سندن مصطفی کریمه سی
 حوا قادیلر ایل قریه مذکوردهده مقيم مصطفی
 اوغلی حسن بیننده متحدث دعوايه دائر درسم
 بدایت محکمه سندن ۱۲ تشرین ثانی سنه ۳۱۲
 تاریخی واون ایکی عددی ایله صادر اولان
 اعلام مزبوره حوا قادیلر طرفندن تمیز ایدلکله
 بالکر مستدعیه نک اعتراض لایحه سیله بالمطالعه
 تدقیقات تمیزیه اجرا سنه ایتدار اولندی .

اعلام مذکورک خلاصه مالی مزبوره
 حوا قادیلر منصاوت قریه سی داخنده معلوم
 الحدود ایکی قطعه ترلا برادری محمد ایل کندی سنه
 پدرلرندن انتقال ایدوب پدرینک حین وفاتنده
 صیه بولندینی جهته کندی سنک حصه شایعه سی
 برادری مزبور محمد جانبندن مرقوم حسنه فراغ
 ایدلش اولدیغندن حصه شایعه سنک طرفنه
 وبرادرینه عائد حصه بی دخی بدل مثیله المنه
 طالب بولنش اولدیغندن بمثل مرقوم حسن دخی

مدعیه ایله برادری محمد بابالرندن منتقل ترلاری
 بینلرنده تقریق وتقسیم ایلدکارنده منازع فیه
 ترلار مرقوم محمدک حصه سنه اصابت ایدرک
 مرقوم محمد دخی مذکور ترلایه اولجه مابین
 سندیله وثاقاً قریه سی مختار واختیار اعضا سنک
 وبرمش اولدقلری شهادتنامه موجبجه صاحب
 ارض معرفتیه کندی سنه فراغ ایدوب شمدی به
 قدر بلا نزاع تصرف ایتدکده اولدیغنی مدافعه
 درمیان ایلنسی اوزرینه اولیاده جریان ایدن
 محاکمه وتدقیقات نتیجه سنده چشکرک قضا سی
 قائمقاملغندن مورد دفتر خاقانی مأمورلغندن
 محکمه به معطی ومحلی فراغ قومیسونی قراروطایو
 صورت مصدقلری مندرجاته نظراً مدعابه ایکی
 قطعه ترلا مزبوره حوانک تولدندن درت سنه
 اول قردادش محمد نامنه مقید اولوب بوجهته
 مزبوره حوا قادیلر مذکور ترلاده حق اشتراکی
 اولدینی اکلشاملش اولسنه وقیود خاقانی شبه
 ترویز تصنیعدن سالم اولمغه معمول به اولوب
 ساخته لکنه دائر برکونا ادعا واعتراض وقوع
 بولماسنه مبنی مزبوره حوا قادیلر ادعا سنک
 ردیه مذکور ایکی قطعه ترلاده مزبوره نک
 حصه سی بولندینی تحقق ایتدکله مذکور ترلایک
 مدعی علیه حسن عهده سنده ابقاسنه حکمدن

و مستدعیه تمیزك اشبو اعلام علیهنده لایحه سنده
محرر باشلوجه اعتراضی پدرینك حین وفاتنده
کندوسی صیده اولوب قریه نك هیئت اختیاریه سی
طرفلرندن هر نصله کتم صفتیه تنظیم اولنان
شهادتنامه بالطبع مقبول طوتیه جنی جهته اراضی
مذ کوره نك کافه سی برادری محمد نامنه بیان
ایدلمش اولمسی و پدرلرینك وفاتیه حصه سنده
ذی الید برادری ایله کندوسی اوله جنی جهته
ترکه نك متساویاً تقسیم ایدلمسی لازم کلور کن
بورالری نظر دفته التمهیر بق برموال محرر اعطای
حکم اولمسی مغایر قانون اولدیفندن بحثله اعلام
مذ کورک تقضی استدعاسندن عبارتدر .

ایجابی مذاکره اولدوقده اعلام مذ کور
مندرجاتندن مفهم اولدینی اوزره مرقوم مدعی
علیه و مرقومه مدعیه ایله برادری محمد طاپو
مأموری سائر برطاقم اشخاص مواجهه سنده
بابالرندن منتقل اراضی بی تفریق و تقسیم ایدرک
منازع فیه ترلا مدعیه نك برادری محمد اصابت
ایدوب اندن دخی کندوسی اشترا ایلدیکنی
مدافعه درمیان ایتمش اولمسه نظراً محکمه جه
مدافعه مذ کوره نظر اعتباره الذرق اونقطه دن
تدقیقات و تحقیقات لازمه اجراسیه تبیین ایده جک

ابراهیم ادهم افندی ایله عارف و سعید اغالر
بیننده متحدث دعوایه دائر قلعه سلطانیه بدایت
محکمه سندن ۲۰ نیشان سنه ۳۱۱ تاریخی وبر

عددی ایله صادر اولان اعلامك تصدیقی حاوی
دائرہ دن ۲۰ ایلول سنه ۳۱۱ تاریخی و درت یوز
اللی الی عددی ایله صادر اولان اعلام علیهنده
منزبور ابراهیم ادهم افندی طرفندن اعطا قلنان
تصحیح قرار استدعاسنك زبرده محرر سبیدن
طولانی قبولندن صکره لاجل الحاکم تعیین اولنان
یوم محاکمه مستدعی تصحیح و کیلی طومانیدیس
افندی ایله مدعی علیهادن عارف اغا و کیلی فوآد
افندی ورود ایدوب سعید اغا کلیدیکندن و کیلان
مومی الیهانك ایضاحات شفاهیله لی استماع
قلندقدن صکره تدقیقات تمیزیه اجراسنه ابتدار
اولندی .

اعلام مذ کورک خلاصه مالی مرقومان
عارف و سعید اغالرک اذیه قصه سنده کائن
پدرلرندن انتقالاً عهداً تصرفلرنده بولنان
برقطعه پلاموطلقه ادهم افندی طرفندن
واقع اولان مداخله نك منعی حقننده ازنیه بدایت
محکمه سندن صادر اولان اعلامك قلعه سلطانیه
بدایت محکمه سندن استینافاً فسخی ایله مرقومان
عارف و سعید اغالرک یوم معینده عدم اجابتلری
جهتیه حق محاکمه لرینك موقه سقوطنه دائر
صادر اولان اعلام استینافینك مقدما تمیزاً نقض

واعاده اولمسی اوزرینسه محکمه مذ کوره جه
بتکرار اجرا قلنان محاکمه و تدقیقات نتیجه سنده
منازع فیه پلاموطلقه اوتوزسنه مدت مرقومان
عارف و سعید اغالرک پدرلری و بش سنه دخی
کندولری طرفندن تصرف اولدینی و صورت
تصرفلری عندالحاکم ابراز اولنوب مضمونی
لدی التذکیه عدالتلری ا کلاشیلان شاهدلرک
شهادتیه ثابت اولان اعلام شرعی ایله تبیین
و تحقیق ایتدیکنه بناءً منزهور ادهم افندی نك
منازع فیه پلاموطلقه واقع اولان مداخله سنك
منعیه مرقومانه تسلیمنه و مرقومان عارف و سعید
اغالرک مذ کور پلاموطلقه سندن ادهم افندی
طرفندن ایکی یوز قنطار پلاموط غصب ایدلدیکنه
دائر درمیان ایتدیکری ادعا و قتیله درجه اولی
محکمه سنجه دعوی و درمیان ادعا و بیان ایدلماش
اولدیفندن دعوا ی مذ کوره نك ایزوجه اقامه
اولدینی حالده اقتضاسنك اجراسی لزومنه
حکمدن و مستدعینك اشبو حکم علیهنده لایحه سنده
محرر اعتراضنك خلاصه سی مرقومان عارف
و سعید اغالر منازع فیه پلاموطلقه عم زاده لری
عمر و جیل طرفندن وقوعه بولان تصرف مشترکیه
برکونه معذرت یوگیکن ممانعت ایتماش اولملری
بالاخره کندی علیهنده اقامه ایلدیکری دهوای

حاضره به مانع ايكن محكمه جه بوجهته دقت
اولنامه سي و مستند ادعا اولنان اعلام شرعيتك
مضمونه محاكم نظاميه جه شاهد استماعي جائز
اولديني حالده اولبابده شهود استماعيله حكم
اعطاسي و مرقوماندن سعيد اغانك خصوص
مذكور حقنده بر كونه دعواسي و عارفك مزبور
طرفندن و كالتى بوغيكن مذكور پلاموطلقدن
مرقوم سعيد اغا ايچون دخي حصه حكم اولنسي
واشاي محاكمه كندوسي بولنديني حالده
محافظه حقوق ايچون وكيل مسخر تعيين اولنميسي
يولسز و اصول و قانونه مغاير اولديغندن بحثله
اعلامك نقضي استدعاسندن و مدعي عليها
و كيتك نتيجه جوابي دخي حكم واقع موافق
اصول و قانون اولديني بيانيله اعتراضات مسرو
دهنك رددي و اعلامك تصديقي طلبندن عبارت
بولنمشدر

ايجابي مذا كره اولندقدن اولجه اعلام
مذكورك تصديقه قرار و يرلمش ايسده مومي
اليه ادهم افندي طرفندن و يريلان تصحيح قرار
استدعاسنده مقدما مدعياردن يالكر عارف اغا
دعوي ايلمش اولديني حالده سعيد اغانه دخي

تسليم عقاره حكم اولنسي حقنده اعتراض دائره
اعلامنده مسكوت عنه قالمسندن طولاني استدعاي
مذكورك بعد القبول جريان ايدن تدقيقات نتيجه
سنده اعلام مذكورك عارف اغا حقنده كي فقره
حكيمه سي موافق اصول و قانون اولديني جهته
بوراسنك تصديقي متضمن اولان دائره قراريتك
ايقاسنه و سعيد اغانك طرفندن بر كونه دعوي
سبق ايتديكي كي و كيلي دخي بولنديني حالده
مدعا به عارف حقنده اغان مرقومك دخي تشريك
ايدلسي مغاير قانون اولديغندن اصول محاكمه
حقوقيه قانونيك ايكي يوز اوتوز ايكنجي ماده سي
موجبجه اعلام مذكورك مرقوم سعيد اغا
حقنده كي فقره حكيمه سنك تصحيحاً نقضيله
قانون مزبورك ايكيوز قرق درنجي ماده سنه
توفيقاً كيفيتك صورت مشروحه دائره سنده بالرؤيه
اعلامه ربطلي ضمننده محكمه مذكوره به اعاده سنه
ونقض خرجي اولان يوز غروش اولجه النان يوز
غروش قبول استدعا خرجندن اجراي محسوبيله
تصديقي خرجي بولنان يوز غروشه زيرده
مفرداتي مرقم ايكي يوزالتى بحق غروش مصارف
محاكمه نك مستدعي تميزه رجوع ايتك اوزره
اول اصرده مدعي عليه مادن النسنه ٣٠ كانون ثاني

سنه ٣١١ تاريخنده متفقاً قرار و يريلهرك تفهيم
قلندي .

قرق كايسه سنجاغنه تابع اخته بولي قضا سنه
مربوط ايكة اطه قريه سنده مقيم مصطفى حاصم
افندي ايله ماليه خزينه جليله سي بيتنده متحدث
دعوايه دائر اخته بولي بدايت محكمه سندن ه كانون
ثاني سنه ٣١٠ تاريخي واون التي عددي ايله
و يريلان اعلام مومي اليه مصطفى حاصم افندي
طرفندن تميز ايدللكه باش مدعي عمومي لك
مأموريت عليه سنك مطالعه نامه سي التقدن صكره
طرفينك اعتراض و جواب لايحه ليله بالمطالعه
تدقيقات تميزه اجراسنه ابتدار اولندي .

اعلام مذكورك خلاصه مالى قضاء
مذكور مال مديري رجب افندي مومي اليه
مصطفى حاصم افنديك صرف املاك اميره دن
اولوب قريه مذكوره ده واقع برباب ذخيره
استباريله ضابطه و فرائتك اسكانه مخصوص اوج

باب يازيچي او طه لرني غصب و هيئت اصله لرني
تبديل ايله برباب خانه و مع اخور برباب صمناخانه و بر
باب دكان و ايكي او طه يني مشتمل ديكر برباب خانه اتخاذ
ايلديكي كي قرانته خانه نام مستعاريله بدل ايجار اوله رق
شهري يمش بش غروش المقده اولديغندن
عقارات مذكوره نك شهريه يوز يكرمي غروش
بدل ايجاره تحملي اولديني تحقيقات واقع ايله
تعيين ايلديكندن بحثله املاك اميره دن بولنان
عقارات مذكوره نك استرداديله يكرمي بيك
بش يوز يكرمي غروش اجور ايتك مومي اليه
مصطفى حاصم افنديدن تحصيلني طلب و دعوي
ايلمش و لاجل الحاكمه تعيين اولنان كونده مدعي
عليه مومي اليه مصطفى حاصم افنديك اجابت
ايتماسي اوزرينه و كيل مسخر حضوريله عن
الغياب جريان ايدن محاكمه و تدقيقات نتيجه سنده
مومي اليه رجب افندي طرفندن ابراز اولنان
اوراق رسميه مآلرينه نظراً مدعي عليه مصطفى
حاصم افنديك املاك اميره يني بلا اذن شرعي
و نظامي غصب و قرانته خانه محلي نام مستعاريله
مال صندوقندن شهري يمش بش غروش
بدل ايجار اخذ ايلديكي و قيودات رسميه مفادينه
كوره اوچيوز بر تاريخنده املاك مذكوره يني

يد تصرفه كچيردرك و هيئت اصليه سنى موجود
اتقاضيله ديوارلى اوزرينه فوقانى برباب خانه
انشا ايتيرديكى كچي اوچيوز اوچ سنده سنده
دخى مقدا ياديردني خانه نك اتصاله حيواناته
مخصوص تحناني و فوقانى مع اخور برباب صمانخانه
ويزاز دكاني ايله ايكي اوطه يي مشتمل ديكر برباب
خانه انشا ايدرك قرانته خانه اتخاذا ايله اليوم
مذكور خانه ده اقامت ايتكمده بولنديني و بولردن
قرانته خانه ايجون شهرى اخذ ايلديكي تيمش بش
غروشدن ماعدا اقامت ايتديكي خانه و اتصالده كي
دكانك شهره يوز يكرمي غروش كرا دكري
اولديني اجرا قلنان تحقيقات و تدقيقات ايله تبين
و تحقق ايتش اولمغه مجله نك طقوز يوزاون سكرنجي
ماده سي موجبنجه املاك مغصوبه مذ كوره نك اخذ
واستر دادينه اجر مثلندن مترا كم مدعابه يكرمي بيك
بش يوز يكرمي غروشك تاريخ استدعا دن اعتبار مع
فائض مومي اليه مصطفى عاصم افنديدن تحصيلنه
وافندي مومي اليه كاشبو حكم عايهنده لايحه سنده
محور اعتراضاتك باشلوجه سي مدعابه خانه و دكان
وسايره اموال غير منقوله دن اولديغندن اطراف
اربعة سي حدودينك تعينى و ذى اليه نك مسئله سنك
بالينه اثبات لازم كلور ايكن اثبات ايتيريلماسى
واملاك مذ كوره طويخانه عامريه عائد اولوب صحيه

نظارتى جانبندن دخى استيجار ايدليكنندن بولر
ايسه برر مستقل دائره و نظارت اولوب خزينه
جمله نامنه محلى مال مديريتك اقامه دعوايه
صلاحتي اوله ماز ايكن مدير مومي اليه كالتك
قبول واملاك مذ كوره يه اون بش سنده بولا
نزاع متصرف ايكن بتون تصرف حقننه بر كونه
تدقيقات اجرا اولمغه ستر قرانته خانه ايجون
النان بدل ايجار ايله اقامت ايتديكي خانه اجور اتك
كندوسندن تحصيلنه حكم ايدلسى بولسر و مخالف
اصول و قانون اولديغندن مجله اعلام مذ كورك
نقضى و خزينه مشار اليها و كيلك لايحه سنده
مندرج نتيجه اجوبه سي دخى سرد اولنان
اعتراضات واهى وى اساس اولديني بياننه ردى
و موافق اصول و قانون اولان اعلامك تصديقي
طلبندن و مطالعه نامه مذ كور مفادى دخى بدايه
اجرا قلنان تحقيقات و تدقيقات املاك منازع
فيه نك فضولى غصب و ضبط اولمش اولديني
تبين ايتسه مبنى اعتراضات واقعه نك موافق
قانون كوريله مديكى بيانندن عبارت بولمشدر .

ايجابى مذا كره اولندقه اعلام مذ كور
مطالعه سندن اكلاشديني اوزره محلى مال مديريتك
بوملاو دعاوى يه و كالتى اولديني اكلاشيله مامش

و مومي اليه مصطفى عاصم افندي جانبندن نام مستمار
ايله النان تيمش بش غروشك كيمك نامنه اوله رق
ونه صورته الندينك ايضاح ايتيريلماش و منازع
فيه اينه لرك مدعى عليه طرفندن انشا اولنديني
اعتراف اولنديني حالده بولرك كراسنك نه حقه
استناداً حكومت محليه طرفندن ادعا ايدليكي بيان
ايدلماش و محل منازع فيه طويخانه نك دو كخانه سنده
مربوط اولسنة كوره خصوص منازع فيه حقننه
طويخانه عامره اداره سندن دعوى ايدلك لازم
كلور ايكن بوراسنه دقت ايدلماش و طويخانه
عامره جانبندن محل منازع فيه حكومت محليه
دور ايدليكنه دائر بر كونه اوراق رسميه ابراز
اولنماش و اينه لرك مدعى عليه طرفندن انشا اولمش
اولسنة نظراً بولرك دخى حكومت محليه رد
و تسليمه دائر و بريلان حكمك بر سبب قانونيه
استناد ايدلماش اولسنى مغاير اصول و قانون اولديغندن
اصول محاكمه حقوقيه قانوننك ايكوز اوتوز
ايكنجي و ايكوز قرق برنجي ماده لرى موجبنجه
اعلام مز بورك نقضه و قانون مز بورك ايكوز
قرق دردنجي ماده سي حكمه توفيقاً كيفيتك
بالرؤيه اعلامه ربطى ضمننده محكمه مذ كوره يه
اعاده سنده وز يرده مفردانى مرقم درت يوز
طقوز بچق غروش مصارف تميزيه نك ايلروده

حقسز چقه حق طرفه رجوع ايتك اوزره اول
امرده مستدعى تميز مومي اليه مصطفى عاصم
افنديدن اخذينه ۹ تشرين ثاني سنده ۳۱۱
تاريخنده متفقاً قرار و برلدى .

قوش اطه قضاسى اهالي سندن عرب اوغلى
محمد ايله قصبه مذ كوره ده مقيم صارى زاده
محمد اغا ييننده متحدث دعوايه دائر قوش اطه
بدايت محكمه سندن ۲۰ مائس سنده ۳۱۲ تاريخى
ويدى عددى ايله و بريلان اعلام مرقوم عرب
اوغلى محمد طرفندن تميز ايدلكله طرفينك
اعتراض و جواب لايحه سييله بالمطالعه تدقيقات
تميزيه اجرا سنده ابتدار قلندى .

اعلام مذ كورك خلاصه مالى مزبور
صارى زاده محمد اغا نك قوش اطه سنده كائن
شراء متصرف اولديني برباب خانه سنده مرقوم
عرب اوغلى محمد طرفندن وقوع بولان مداخله نك
منعنه دائر محكمه مذ كوره دن مقدا صادر اولان

اعلام غیابی اسباب قانونیه دن طولای تمیز آقش
واعاده اولنسی اوزرینه محکمه جه بشکرار جریان
ایدن محاکمه مرقوم محمد منازع فیہ خانہ
متوفی پدری مدعی محمد اغایہ بیعدن اون سنہ

اول کندوسنہ هبه ایدرک ملک موہوبی اولدیفنی
ادما ایتیش ایسہدہ مدعاسنی اثباتدن اظهار عجز
ایله مذکور خانہ نک کندوسنک مال موہوبی
اولدیفنی قبل الاشترا بیلمدیکنہ دائر مزبور محمد
اغایہ توجہ ایدن یعنی دخی تکلیف ایتامسنہ
وبو حالہ مذکور خانہ مدعی مرقومک ملک
مشتراسی اولدیفنی تحقق ایتامسنہ بناءً مجله نک بیک
سکر یوز اون بدنجی و بیک سکر یوز اون طقوزنجی
مادہ لری احکامنه توفیقاً منازع فیہ خانہ نک
بالتخلیه مدعی مزبور محمد اغایہ تسلیمہ حکمدن
ومستدعی تمیزک اشبو اعلام علیہندہ لایحه سندہ
محرر اعتراضاتک باشلوجہ سی منازع فیہ خانہ
یکرمی سنہ دبرو کندوسی متصرف و وضع بد
ایتمکده اولدیفنی و اثبات مدعا ضمیمہ اقامہ ایلدیکی
شاهد لری عدم قبولی اوزرینه دیگر شاهد لری
اولوب اقامہ ایدہ جکفی درمیان ایلدیکی حالہ
محکمه جه نظر التفاته التبعہ برق برمنوال محرر حکم
اولنسی مغایر قانون اولدیفندن بمثلہ اعلام
مذکورک نقضی استدعا سندن و مدعی علیہک

لایحه جوابیه سی مالی دخی حکم واقع موافق
قانون اولوب اعتراض مذکورک غیر وارد اولدینی
بیانیله ردی و اعلامک تصدیقی طلبندن عبارتدرہ

ایجابی مذاکرہ اولدقدہ اعلام مذکور
مأئندن اکلا شلدیفنی اوزرہ دعوی واقعہ عقارہ
متعلق اولدیفنی جهتله اول امرده ذی الیدلک
مسئله سنک بالینہ اثبات ایتدیرلمسی مجله جلیله
احکامندن اولدیفنه و مستدعی تمیزک یکرمی سنہ دن
برو ذی الید اولدیفنی لدی الحاکمہ ثابت اولدیفنی
صورتده مال موہوب تسلیم ایدلمش دیمک
اوله جفی جهتله ادعا سنک قبولی لازم کلور ایکن
محکمه جه بو یولده اجرای معاملہ ایدلمکسین
برمنوال محرر حکم اولنسی یولسر و مغایر اصول
و قانون بولندیفنه بناءً اصول محاکمہ حقوقیه
قانونک ایکی یوز قرق برنجی مادہ سی موجبہ
اعلام مذکورک تقضیلہ قانون مزبورک ایکوز
قرق دردنجی مادہ سی حکمنہ توفیقاً کیفیتک
بروجہ مشروح یکیدن بالرؤیہ اعلامہ ربطی
ضمینده محکمه مذکورہ اعاده سنہ وزیرده
مفرداتی مرقم ایکی یوز طقسان سکر بچق غروش
مصارف تمیزیه نک ایلرودہ حقسز جیقہ حق
طرفہ رجوع ایتک اوزرہ اول امرده مستدعی

تمیزدن النسنہ ۱۸ شباط سنہ ۱۳۱۳ تاریخندہ متفقاً
قرار ویرلدی .

فوجہ عتیق قصبہ سندہ مقیم واسیل اوغلی
نیقولہ ایله قصبہ مذکورہ اہالیسندن واسیلو
مانول بیتندہ متحدث دعویہ دائر فوجتین بدایت
محکمه سندن ۱۹ حزیران سنہ ۱۳۱۲ تاریخ
واون عددی ایله ویریلان اعلام مرقوم نیقولہ
طرفندن تمیز ایدلمکله طرفینک اعتراض و جواب
لایحه سیلہ بالمطالعہ تدقیقات تمیزیه اجرا سنہ ابتدار
قلندی .

اعلام مذکورک خلاصہ مالی مرقوم
نیقولہ مرقوم مانولہ اولان دینندن طولای عہدہ
تصرفندہ بولنان برقطعه باغی بیع بالوفا طریقہ
ترہین ایلمش و وعدہ معینہ سندہ دین
مذکور تسویہ ایدلمدیکندن ناشی مرہونک
بالمزایدہ فروختیلہ اتمان حاصلہ سندن تسویہ دین
ایدیلہ جکی قضاء مذکور طابو اداره سندن
کندوسنہ باورقہ اخطاریہ تبلیغ ایدلمش ایسہدہ

اساس دین یوز مجیددن عبارت اولوب قاحش
قائض مرکب یوریدیلہ رک اون درت بیک التمش
غروشہ ابلاغ ایدلمش و دین مذکور یدی بیک
یوز الی غروش تسلیماتی وقوع بولہ رق قادین مذکور
ایفا ایدلمش اولدیفنی حالہ مرہونک مزایدہ
وضع ایدلمسی مغایر قانون اولدیفندن مزایدہ
واقعہ نک منعیلہ رهن مذکورک فکفی طلب
وادط ایتامسنہ قارشو مرقوم مانول دخی دین
مذکورہ مقابل بیک یدی یوز قرق ایکی غروش
شدن ماعدا مدیونک تسلیماتی اولدیفنی بیان و انبا
ایتمی اوزرینه جریان ایدن محاکمہ و تدقیقات
نتیجہ سندہ مدعی مرقوم نیقولہ نک فضلہ تسلیمات
مدعاسنی اثباتدن اظهار عجز ایله بیک یدی یوز
قرق ایکی غروشدن ماعدا الحقہ المادیفنی دین
مرقومک اجرا قلنان تحلیفیلہ ثابت اولدیفندن
مدعینک اساس دین یوز مجیددہ عبارت اولوب قائض
قاحش و قائض مرکب یوریدیلہ رک اون درت
بیک التمش غروشہ ابلاغ ایدلمش اولدیفنی بیان
ایتمی سندات رسمیہ قارشو اولمغلہ مسموع
اولدیفندن مجله نک یدی یوز الی بدنجی مادہ سی
موجبہ رهنک ابقاسیلہ مزایدہ نک دوامی لزومنه
حکمدن و مستدعی تمیزک اشبو اعلام علیہندہ
لایحه سندہ محرر اعتراضاتک باشلوجہ سی اساس

مذکورک تفصیله قانون مزبورک ایکوز قرق
در دنجی ماده سی حکمنه توفیقاً کیفیتک یکیدن
بالرؤیه اعلامه ربطی ضمننده محکمه مذکور به
اعاده سنه و زپرده مفرداتی مرقم اوچوز سکسان
سکز بحق غروش مصارف تمیزیه نک ایلروده
حقسز حقیقه حق طرفه رجوع اتمک اوزره اول
امرده مستدعی تمیزدن السنه ۸ مارت سنه ۳۱۳
تاریخنده متفقاً قرار ویرلدی .



بیوک اطهده نظام نام موقعهده مقيم باغچوان
طومعه ايله جب عالیده جاده کیرده ایکی یوز قرق
درت نومرولی خانهده ساکنه ماریه صوفیا قادین
بیننده متکون دعوايه دائر محکمه استیناف حقوق
قسمندن ۱۲ ایلول سنه ۳۱۲ تاریخی و یوز التمش
التي عددی ايله ویریلان اعلام مزبوره ماریه
قادین طرفندن تمیز اولتمهله طرفینک اعتراض
وجواب لایحه لرله بالمطالعه تدقیقات تمیزیه
اجراسنه ابتدار اولندی .

دین یوز عددسم مجیدیه دن عبارت اولوب فاحش
فائض ضم اولدینی و مبلغ مدعا به مقابل تسلیمانی
یدی بیک یوز الی غروش اولدینی حقهنده
عندالحاکمه در میان ایلدیکی ادعا محکمه مذکور به
نظر التفاته النیهرق بر منوال محرر حکم اولتمسی
مغایر قانون اولدیغندن بختله اعلام مذکورک
نقضی استدعا سندن و مدعی علیهک لایحه سندن
مندرج نتیجه جوابی حکم واقع موافق اصول و قانون
اولوب اعتراضات مذکورک غیر وارد اولدینی
بیانیه ردی و اعلامک تصدیق طلبندن عبارت
بولتمشدر .

ایجابی مذاکره اولدقدده اعلام مذکور
مألندن مستبان اولدینی اوزره مدعی مرقوم
نیقوله طرفندن مبلغ مدعا به میاننده فاحش فائض
اولدینی عندالحاکمه در میان ایدلمش اولسنه کوره
بوادعاسی مدعی مرقومه اثبات ایتدیرلمک وایده
مدیکی تقدیرده خصمنه یمین ویرلمک لازم کلور
ایکن بوجهنک نقصان بر اقلسمی مغایر قانون
اولدیغنه و مستدعینک اعتراضی دخی بوجهته
متدائر اولهرق شایان قبول کورلدیکنه بناءً اصول
محاکمه حقوقیه قانوننک ایکی یوز اوتوز ایکنجی
وایکیوز قرقی برنجی ماده لری موجبجه اعلام

اعلام مذکورک خلاصه مالی مرقوم
طومعه نک بلا نزاع اون بش سنه یی متجا وزمدت
زراعت و حراثتله تصرف ایتدیکی اصولاً ثابت
اولان بیوک اطهده کائن معلوم الحدود اراضیه
مزبوره ماریه قادین طرفندن وقوعبولان
مداخله نک منعيله سند خاقانینک اعطاسنه دائر
اولاغیاباً و اعتراض علی الحکم استدعاسی اوزرینه
وجاهاً قرتال بدایت محکمه سندن ویریلان اعلامک
فسخنی متضمن قسم مذکوردن ویریلان اعلامک
محکمه تمیز استدعا دائره سنجه اسباب قانونیه
مبنی نقض و اعاده قلمسمی اوزرینه قسم مذکور به
بشکرار اجرا قلنان محاکمهده مستأنفه ماریه صوفیا
قادین منازع فیه اراضینک خصمی طومه یه ایجار
ایدلیدیکی در میان ایتش و بوادعاسی مثبت اولهرق
شاهد کتورسمی مستأنفه مرقومه یه تنبیه اولتمش
و بر موجب تنبیه بر قطعه شهود بوصله سی ارازو اعطا
ایدلمش ایسنده محکمه تمیزک اقامه شهود ايله اثبات
مدعا اولتمسی حقهنده کی فراری بدایه رد اولسان
شاهدلردن ماعداد شاهدلری و ارایسه انلرک استماعنه
متدائر اولوب شو حالده تدقیق ایدیلجک جهت
بدایه اقامه واستماع اولنان شاهدلردن ماعدا
شاهدی اولوب اولدینی مسئله سی بولتمش و حالبوکه
خصوص مدعا به تفرع بالجمله اوراق تدقیق
ایدلکده مستأنفه مزبوره بدایت محکمه سندن
اولاباده کی شهودینی اون بر نفره حضر و قصر
ایدوب بولاردن بشقه شاهدی اولدیغنی بیان
ایلمش اولدیغندن بدایت محکمه سندن رد اولنان
شهودک استماعی مذکور تمیز قرارینه و سائر
شهودک استماعی مجله نک بیک یدی یوز الی اوچنجی
ماده سی حکمنه مقایر اولوب مزبوره ماریه قادینک
عقد ایجارک اثباتی ضمننده شهود اقامه سی حقهنده کی
طلبی غیر وارد ایدوکنندن ردیه منازع فیه
اراضیده مستأجر اولدیغنه دائر مرقومه ماریه نک
مرقوم طومه یه ایحق بر یمین تکلیفنه حتی اوله جفته
اتخاذ قلنان قرار اوزرینه یوم معینده کله جکفی
مشعر اولاباده کی احضار ورقه سنک ظهیرنی
مستأنفه مزبوره وکیلی امضا ایتش اولدینی حالده
کلامش اولدیغندن اصول محاکمه حقوقیه قانوننک
یوز قرق ایکنجی ماده سی حکمنه توفیقاً مستأنفه
مزبوره ماریه قادین طرفندن اعطا قلنان استیناف
استدعا نامه سنک ابطالیه موقفاً حق محاکمه سنک
مسقوطنه دائر محکمه استیناف حقوق قسمندن
صادر اولان اعلام غیابی علیهنده مزبوره ماریه
قادین طرفندن اعتراض علی الحکم استدعاسی
اعطا اولهرق وجاهاً جریان ایدن محاکمهده مرقومه
ماریه قادین ادعاسی مؤید اولهرق بر قطعه ایجار

مقاوله نامه سی الله ایتمکله ابراز ایده جکئی سولش
ایسه ده جریان ایدن محاکمه اعتراض علی الحکم
محکمه سی اولمغه اولبایده کی افاده سی قبول اولنما
مش و اخیراًینه مرقومه ماریه کلامش اولدیغندن
اولبایده کی اعتراض علی الحکم استدعاسنک ردینه
حکمدن ومستدعی تمیز ماریه قادینک اشبو حکم
علینده لایحه سنده محرر اعتراضاتک خلاصه سی
بدایت محکمه سینه اقامه ایده جکی شاهدلر تصرفه
دارا اولوب عقد ایجاره متدائر اولدیغندن و بویسه
ایرو بر ادعا اولوب بشقه برشهود اقامه سیله اثبات
هر بار حق اولدیغندن و بونک ایچون شاهد
حاضر ایتمدیکنندن و درمیان اولنان مرور
زمانه قارشو ابراز اولنان ایجار سنندینک محکمه
استینافیه جه تدقیق و معاینه سینه قرار ویرلمشیکن
بالا آخره بوندن صرف نظر ایلمسی و یوم معینه
وکیلنک حاضر بولنه مدینگی و کندوسنک احضاریه
ورقه سی زیرنده امضاسی اولمدینی حالده رد
استدعایه قرار ویرلمسی یولسز و مغایر قانون
اولدیغندن بختله اعلامک نقضی استدعاسندن و مدعی
علیه طومه نك لایحه سنده مندرج نتیجه اجوبه سی
ایسه اعتراضات مسروده نك واهی و بی اساس
اولدینی بیانیه ردی و موافق اصول و قانون اولان
اعلامک تصدیق طلبندن عبارت بولمشد.

ایجابی مذاکره اولندوقده اعلام مذکور
مطالعاسندن منقهم اولدینی اوزره بدایه جریان
ایدن محاکمه مدعیه طرفندن حصر شهادت
ایلامش ایکن مدعیه نك محکمه استینافیه ده اقامه
ایده جکی شهودک قبول واستماع ایلامسی مخالف
قانون اولدینی کبی اثبات مدعا ضمننده مدعیه نك
ابرار ایده جکی مقاوله نامه نك دخی یمین قرارندن
صکره درمیان ایدلیکنندن بختله قبول و تدقیق
ایلامسی مغایر قانون اولدیغه بناء اصول
محاکمه حقوقیه قانونک ایکوز اوتوز ایکنجی
ماده سی موجبجه اعلام مذکورک تفضیله قانون
مذکورک ایکوز قرق دردنچی ماده سی حکمنه
توفیقاً کیفیتک صور محرره دائره سنده بالرؤیه اعلامه
ربطی ضمننده محکمه مذکوره یه اعاده سینه وزیرده
مفرداتی مرقم ایکی یوز طقسان سکر بچق غروش
مصارف تمیزیه نك ایلروده حق سز چیه جق طرفه
رجوع ایتمک اوزره اول امرده مستدعی مزبورده
ماریه قادیندن التمسینه ۱۵ کانون ثانی سنه ۳۱۲
تاریخنده متفقاً قرار ویرلدی.

اعلان


ازدک بدایت محکمه سندن ۲ اغستوس
سنه ۳۱۰ تاریخی و قرق یدی عددی ایله ویریلان
اعلامک تمیزینی استدعا ایدن ازدک قصبه سنده
مقیم قصاب اصنافندن پرودرو موس ایله مدعی علیه
قصبه مذکوره ده ساکن طوغرامه جی اورینوس
یوم معینه دائره یه کلدکلرندن اعلام مذکور
طرفینک اعتراض و جواب لایحه لرله بالمطالع
تدقیقات تمیزیه اجراسنه ابتدار اولندی.

اعلام مذکورک خلاصه مالی مزبور
اورینوس کندوسنک مرقوم پرودرو موسه اولان
اون ایکی لیرا دینک تأمین تسویه سی ضمننده
قصبه مزبورده کائن متصرف اولدینی معلوم
الجدود التي دونم مقداری باغنک محصولی ترک
و تسلیم ایدوب مرقوم دخی بش سنه مدت
محصولندن انتفاع ایدرک دینی اولان اون ایکی
لیرایی استفا ایلش اولدیغندن مذکور باغک طرفه
تسلیمنی طلب و دعوی ایتمسی و مدعی علیه پرودور
موس دخی منازع قیه باغی بش سنه مقدم مدعیدن
باسند بالاشترا اولوجهله متصرف ایدوکنی مدافعه
بیان و انبیا و رومی العبارة برقطعه سند ابراز و اعطا
مابعدی وار

شکر جی یانقو اندونیا دینک بک اوغلنده
تقسیم جوارنده بقال دکاننده ساکن ایلیا ملیانیدی
ذمتنده بدل ایجاردن متولد اله جنی اولان مبالغ
معلومه نك تأمین استیفاسی ضمننده بک اوغلی برنجی
حقوق قراری و مقاولات محررلکی معرفتیه تحت
حجزه النان الی عدد شیشه یونان قونیانی
سکسان اوچ عدد شیشه عادی قونیاق ویرا یوز
اوتوز قوطی مانتاز و بزلیا بش قوطی استاقوز
اون درت عدد شیشه ترشی سکر قوطی ساردلیا
اون سکر عدد شیشه بیرا طقوز شیشه فرانسر
موسترسه الی قیه واریل دروننده دوز راقی
برتنکه غاز برعد کوزلی دستکاه مع مرمر برعد
اون ایکی کوزلی انبار یکر می درت عدد شیشه
قونیاق ایکی چوال شکر سکر صندوق موم اوتوز
قیه زیتون بر صندوق غاز قرق شیشه موس تارتا
یکرمی سکر شیشه قونیاق الی یدی قیه شراب
یکرمی بش قیه قونیاق بش پاکت قولایکی پاکت
چویت و بوکا ممائل اموال بقالیه سنک بلزایده

فروختی تحت قراره النمش اولدیغدن شهر جاری
رومینک یکر می ایکنجی جمعه کونی مذ کوردکانک
اوکنده ساعت ایکیده بالمزایده فروخت اولنه جنی
بک اوغلی بدایت محکمه سی اجرا مأموریتی
جانبندن اعلان اولنور .

۱۹ مایس سنه ۳۱۴



یکی جامع شریف حولیسنده مقیم تبعه
دوات علیه دن پولچه جی لیغور الفرد دیلوسک
قونیه ولایت جلیله سی رژی ناظر سابق اولوب
بک اوغلنده اغا جامع شریفی جوارنده پرمق قیوده
چقور چشمده متوفی الودیدای پاشانک دامادی
قسطا کی والاسیدی افندی علیه در سعادت محکمه
تجارتی ایکنجی مجلسنده برقطعه امره محرر سند
موجبجه اقامه ایلدیکی الی عدد لیرای عثمانی
مطلوبات دعواسنک رؤیتی ضمتنده تنظیم اولنان
دعوتیه ورقه سی مباشری واسطه سیله محل مذ کوره
ارسال قلمش ایسه در سعادتده اوتلده اقامت
ایلمکده بولنمش ایسه قننی اوتلده اولدینی مجهول
بولدینی روم مختاری طرفندن ورقه مذ کوره
ظهرینه یازیلان شرحدن اکلاشلش ومدعی

مرقوم ایسه اعلاناً تبلیغات قانونیه نک اجرا سنی
طلب ایلش اولغله اصول محاکمه تجارت نظامنامه
سنک ماده مخصوصه سنه توفیقاً دعوای مذ کوره
بیک اوچیوز اون درت سنه سی مایسک یکر می
التنجی صالی کونی ساعت التیده فصل ورؤیت
اولنه جقندن بوم ووقت مذ کورده مومی الیه
قسطا کی والاسیدی افدینک بالذات محکمه
مذ کورده حاضر بولنمش ویاخود مصدق سندله
بروکیل کوندرمی لازم کله جکی وشاید کز و وکیل
دخی کوندرمز ایسه حقنده معامله غایبه اجرا
اولنه جنی معلوم اولق اوزره مجدداً تنظیم اولنان
دعوتیه ورقه سی محکمه نک دیوانخانه سنه تعلیق
اولدینی کبی اوراق حوادث واسطه سیله دخی
اعلان قلندی .

فی ۲۵ ذی الحجه سنه ۳۱۵

وفی ۵ مایس سنه ۱۳۱۴



(مطبعة عامره ده طبع اولنمشدر)